

IX Concurso literario *Mazarelos*

Co obxectivo de fomentar a creatividade da mocidade universitaria e de desenvolver a súa capacidade de expresión en lingua galega, así como para contribuír a descubrir potenciais figuras deste eido da cultura, a Comisión de Normalización Lingüística da Facultade de Filoloxía convoca o **IX Concurso literario *Mazarelos***, nome que lembra e homenaxea as raíces da Facultade e mesmo da Universidade e da propia Compostela, de acordo coas seguintes

BASES

1. Participantes

Poderá participar o alumnado de grao, mestrado e doutoramento que estea matriculado en calquera titulación da USC, ou ben investigador/es que estean contratados na USC con cargo a proxectos de I+D ou programas posdoutorais, en calquera momento do ano 2023 anterior á finalización do prazo de presentación. A USC comprobará de oficio tales condicións no caso dos participantes premiados.

2. Obras

Haberá dúas modalidades de participación:

- A. **Modalidade de Temática Aberta:** Admítese obras de calquera xénero literario (narrativa, poesía, teatro, ensaio...) e de calquera tema.
- B. **Modalidade de Temática Científica:** Admítese obras de calquera xénero literario (narrativa, poesía, teatro, ensaio...) sempre que o eixo temático central ou o pano de fondo sexa a divulgación científica ou a ciencia no sentido amplo do termo.

Cada participante só poderá presentar, como máximo, unha obra en cada modalidade. Unha mesma obra só se poderá presentar nunha das modalidades.

Os textos deberán ser orixinais, escritos en lingua galega en calquera norma ortográfica, inéditos e non premiados noutros concursos. Tampouco non poderán presentarse a outros concursos durante o período desta convocatoria ata que se publique a decisión do xurado.

Os/as concursantes deberán achegar unha declaración en que garantan a autoría da obra e que os seus dereitos non están comprometidos nin pendentes de veredicto en ningún outro concurso literario. Esta declaración axustarase ó formulario de autoría que se publicará na páxina web da Facultade.

Estabélcese un límite máximo de 8.000 palabras. Non hai límite mínimo.

3. Entrega de traballos

As obras deberán presentarse a través do formulario de Microsoft (IX Concurso literario Mazarelos) creado para tal efecto e ó cal poderase acceder a través da seguinte ligazón: <https://forms.office.com/e/hdjiFXn2vB>

No formulario cargarase a *Declaración de autoría, orixinalidade e autorización de difusión*, debidamente cuberta en formato PDF e asinada polo/a concursante. Esta atoparase nas webs de Filoloxía

(<https://www.usc.gal/gl/centro/facultade-filoxia/concurso-literario-mazarelos>) e do Servizo de Normalización Lingüística (www.usc.gal/gl/servizos/snl).

Así mesmo, achegárase a obra orixinal en formato PDF sen asinar e sen figuraren nela datos persoais, tampouco nos metadatos do arquivo, o cal non poderá supera-los 10MB.

Alén diso, indicárase no corresponde apartado do formulario o nome da obra e o lema ou pseudónimo do/a autor/a.

Finalmente deberase seleccionar no formulario a modalidade escollida (temática aberta / temática científica).

4. Prazo

O prazo de presentación remata o 30 de setembro de 2023 ás 23:59 horas.

5. Xurado

O xurado estará integrado por cinco membros elixidos e nomeados pola Comisión de Normalización Lingüística (CNL) da Facultade de Filoloxía. Un mínimo de dous membros será elixido entre o PDI da Facultade, procurando que polo menos un deles pertenza ás áreas de Filoloxía Galega e Portuguesa. Un máximo de tres poderá non ter relación actual coa Facultade. A presidencia do xurado recaerá nun profesor ou profesora do xurado e será por elección entre as persoas que o integran.

A composición do xurado darase a coñecer na data de publicación da súa decisión.

A decisión do xurado será inapelábel.

6. Resolución e premios

Estabéllese os seguintes premios:

A. Modalidade de Temática Aberta

1.º premio: 600 euros e diploma

2.º premio: 400 euros e diploma

B. Modalidade de Temática Científica

Premio: 500 euros e diploma

Os premios están suxeitos á lexislación fiscal vixente.

A organización, por proposta do xurado, poderá declarar sen adxudicar algúns dos premios, ou, de se-lo caso, amplialos concedendo os accésits que considerar oportunos e que consistirán en diplomas.

A resolución do concurso será publicada na páxina web da Facultade de Filoloxía e do Servizo de Normalización Lingüística e tamén se lles comunicará persoalmente ás persoas gañadoras.

Valorárase así mesmo a posibilidade de publica-las obras premiadas.

Polo feito de participaren, as autoras e autores, sen prexuízo dos seus dereitos de autoría, cédennlle expresamente á Facultade de Filoloxía da USC os dereitos de uso, difusión, distribución e reprodución da obra

presentada para a súa posíbel publicación nunha edición de carácter non venal, ou sempre que responda a fins promocionais ou culturais.

7. Entrega de premios

A CNL organizará un acto de entrega de premios, que se realizará antes da fin de 2023.

8. Aceptación das bases

A presentación ó concurso implica a plena aceptación da totalidade das súas bases e do veredicto do xurado.

A CNL reserva para si o dereito de interpretar, facer modificacións e tomar iniciativas non recollidas expresamente nestas bases, sempre que contribuíren á mellora do concurso e non alteraren a súa esencia.

A organización non se fai responsábel respecto a plaxios ou dereitos de autoría dos textos presentados, así como calquera outra transgresión da lei.